

GRdigital lantscha la plattafurma per inoltrar dumondas

A partir d'immediat èsi pussaivel d'inoltrar sur la plattafurma www.grdigital.digital dumondas da finanziaziun a basa da la Lescha davart la promoziun da la transfurmaziun digitala en il Grischun. L'Uniun GRdigital examinescha las dumondas tenor las lingias directivas approvadas da la Regenza chantunala e dals criteris correspondentes. Formulars da dumonda ed in feagl d'infurmaziun cun las respostas a las pli impurtantas dumondas davart l'applicaziun dals criteris èn disponibels online en tut las trais linguas chantunalas.

Las dumondas vegnan examinadas a basa da las lingias directivas

A basa da las lingias directivas per la promoziun ha la suprastanza da GRdigital elavurà las ultimas emnas ils process, formulars e models per las dumondas. Tenor las lingias directivas vegnan ils meds finanziaus impundids a basa da criteris strategics e chanelisads correspondentamain. GRdigital sutdivida ils projects tut tenor l'effect ch'ins vul cuntanscher en ils suandants geners:

- projects exemplarics cun in grond effect ed ina vasta irradiaziun sur ils cunfins chantunals
- projects cumplissivs cun ina buna relaziun da custs e niz e cun in effect da multiplicatur cumprovabel
- projects da pilot e projects pitschens specifics sco era preprojects per sviluppar projects ch'èn pronts per la realisaziun
- projects da cooperaziun ed activitads surordinadas da GRdigital en il sector dal svilup da cumpetenzas e dal transfer da savida.

Tut tenor il gener da project vegnan examinads differents criteris e las indicaziuns necessarias pon variar. Il project sto correspunder a quatter criteris centrals. Primo: las premissas fundamentalas legalas; secundo: la qualitat; terzo: ils resultats; quarto: l'effect. Resguardond la neutralitad da la concorrenza promova GRdigital projects da tut las regiuns e da tut las branschas sco era purtaders da project uschè differents sco pussaivel.

Il formular da dumonda è online

Ils purtaders da project pon inoltrar lur dumondas sin www.grdigital.digital cun agid dal formular uffizial e dals documents necessaris. Quels èn disponibels en trais linguas chantunalas. In feagl d'infurmaziun sustegna ils petents ad inoltrar in project. A partir dal 1. da schaner 2022 stat ultra da quai il secretariat da GRdigital a disposiziun als iniziants ed als purtaders da projects da la transfurmaziun digitala sco post da consultaziun per sviluppar projects ch'èn pronts per la realisaziun e per inoltrar dumondas. Fin a quel termin maina la suprastanza vinavant las lavurs operativas da l'uniun.

La Regenza chantunala decida davart la promoziun

GRdigital gida interpresas, instituziuns ed organisaziuns a sviluppar e realisar projects en connex cun la transfurmaziun digitala. L'uniun fa recumandaziuns da promoziun per mauns dal Chantun ed accumpogna ils projects promovids. Suententer l'inoltraziun da las dumondas examinescha GRdigital, schebain quellas èn cumpletas e correspundan a las premissas formalas. Il cuntegn vegn evaluà d'in gremi d'expertas e d'experts dal cussegl specialisà che vegn actualmain installà. A basa da quest giudicament e d'ina recumandaziun davart l'autozza da la contribuziun fa la

Uniun
GRdigital
7000 Cuira
Svizra

tel. +41 (0)81 257 03 22
info@grdigital.digital
grdigital.digital

suprastanza ina recumandaziun da promoziun concreta per mauns dal Chantun. Davart la promoziun definitiva decida la Regenza chantunala.

La suprastanza vegn anc cumplettada

La suprastanza actuala è vegnida constituida ils 10-05-21 e resguarda la varietad da vegliadetgnas, schlattainas, culturas e derivanzas professiunalas. A la radunanza generala da la primavaira 2022 vul l'uniun GRdigital preschentar a las delegadas ed als delegads in ulteriur commember da suprastanza per l'elecziun, numnadamain ina represchentanta u in represchentant da las regiuns italofofas.

Ulteriuras infurmaziuns:

Jon Erni, president

e-mail: jon.erni@miaengiadina.ch | telefon: +41 78 844 66 09

L'Uniun GRdigital surpiglia per incumbensa dal Chantun incumbensas impurtantas per realisar la Lescha davart la promoziun da la transformaziun digitala en il Grischun. Ella è l'organisaziun spezialisada prescritta da la lescha ed accelerescha la promoziun finanziaza da projects da digitalisaziun e fa recumandaziuns da promoziun per mauns da la Regenza chantunala a basa da las lingias directivas e dals criteris da promoziun. L'uniun ha gia passa 100 commembras e commembers. Persunas privatas, interpresas ed organisaziuns pon daventar commembras da l'uniun.

Cuira, ils 9 da november 2021